

## Transkription von Urkunde SAW 1399a

Ort, Datierung: Salzwedel, 1399-04-13

Signatur: Stadtarchiv Salzwedel, 121/5b

Inhalt: Hinrik Bremer: Schuldurkunde

Bemerkung: Archivdatum: 1399-05-04

---

Ik hinryk bremer sakeweldeghe vnde wÿ ghert van wostrow vnde he(n)nÿngh vletmer borghen vn(de) medeloue/re wÿ alle Bekenne(n) openba(r)e in desseme bryue vor allen luden de ene seen horen eder lesen dat wÿ schuldich . / sint deme rade in der olden stad zoltwedel achteÿn mark lune(n)borghere pe(n)nÿnghe also nÿ ghenghe vnde / gheue sint in deme lande to lune(n)b(or)gh vor hinryk bremer's schattinghe vorghenomet De vorscreue(nen) ach/theÿn m(a)rk scholle wÿ vnde wÿllen en wol to danke bereÿden vn(de) betalen in der stad zoltw(edel) nÿ to sunte Ja/cops daghe neghest tho comende mÿt reden pe(n)nÿnghen eder mÿt nughaftighen panden dar se desses / vorscreue(n) gheldes mede becomen moghen by crÿsten eder by Joden vn(de) to den panden vul to dunde also / pandes recht ÿs . dat loue wÿ hinryk bremer ghert van wostrow vn(de) He(n)nÿngh vletmer alle vorghe/nomet mÿt ener samenden hant deme rade in der olden stad zoltwedele wol to heldende sunder vor/toch vn(de) hulperede . vnde we(r)t dat wÿ en desses vorscreue(nen) gheldes nicht beredden vn(de) betaleden vppe de(n) / vorghenomeden sunte Jacops dach also vorscreue(n) ÿs welk vsern se denne mane(n) v(m)me de samende hant / de schal se en holden ofte se eme de mÿt rechte tho bracht hedden alle desse vorscreue(nen) stücke loue wÿ / hinr(ÿk) bremer ghert van wostrow vn(de) he(n)nÿngh vletmer alle erghenomet mÿt ener samenden / hant deme rade in der olden stad zoltw(edel) wol to holdende sunder alle lÿst . Ok beke(n)ne yk hinryk / bremer vorghenomet dat yk nicht schal noch wÿl loes sin van deme rade in der olden stad zolt/wedele der venghenisse de yk en ghelouet hebbe desse vorscreue(nen) achteÿn m(a)rk pe(n)nÿnghe sin en vul / vn(de) al betalet dat en nughet . to tughe vn(de) merer bekanntnisse alle dess(er) vorscreue(nen) stücke hebbe wÿ / hinryk bremer ghert van wostrow vn(de) he(n)nÿngh vletmer alle erghenomet vse ingheseghele hen/ghen laten an dessen brÿff . Gheuen na godes bort druttheyn hundert Jar in deme neghen / vn(de) neghenteghÿsten Jare des andren sondaghes na deme , passche daghe /